

SANCTI PII X, PAPÆ ET COFESSORIS

In II Nocturno

Lectio iv

Pius Papa décimus, cui nomen ántea Joséphus Sarto, in Venetórum pago natus est, quem Riése vocant, paréntibus quidem humílibus, sed probitáte ac pietáte conspicuus. Inter Seminárii Patavíni alúmnos adscríptus, ita pietáte ac doctrína profécit, ut condiscípulis exémplo, moderatóribus admiratióni esset. Sacerdótio initiátus, in óppido Tómbolo primum, qua vicárius cooperátor, dein Salatiáni qua párochus, per plures annos adlaborávit; quibus in obeúndis munéribus, tanta caritátis effusióne, tanto sacerdotáli zelo et sanctitáte vitæ excélluit, ut Epíscopus Tarvisínus inter canónicos cathedrális ecclésiæ eum cooptáret, eúmque Cúriæ episcopális cancellárium simúlque Seminárii diocesáni spirituálem moderátorem renuntiáret. Hæc officia tam egrégie persecútus, a Leóne tertio décimo, cui erat probatíssimus, Mantuánæ ecclésiæ Antístes fuit renuntiátus.

R. Invéni David servum meum, oleo sancto meo unxi eum: * Manus enim mea auxiliábitur ei. *V.* Nihil proficiet inimícus in eo, et filius iniquitátis non nocébit ei. *Manus.*

Lectio v

Boni pastóris nullam partem déserens, eo máxime conténdit, ut juvéntus in sortem Dómini vocáta rite ad sacra instituerétur, piæ consociatiónes novis augéscerent increméntis, rítibus divíni cultus plus decóris ac pietátis accéderet. Præcépta quibus cívitas christiána nítitur, áltius proclamáre non désiit, et qui vitam ínopem ipse ducébat, paupéribus

numquam omísit afférre levámen. Tot ígitur suffragántibus méritis, inter purpurátos Patres adléctus et Venetiárum Patriárcha creátus est. Dénique post Leónis décimi tértii óbitum, cum Patrum Cardinálium suffrágia in eum coaléscerent, cumque ipse supplicatióibus et lácrimis tantum munus a se avértere frustra conátus esset, suasióibus tandem cedens, «accépto in crucem», inquit, et Summi Pontificátus ápicem ut crucem a Deo sibi oblátam, demísso sed forti ánimo suscepit.

R. Pósuí adjutórium super poténtem, et exaltávi eléctum de plebe mea: * Manus enim mea auxiliábitur ei. *V.* Invéni David servum meum, oleo sancto meo unxi eum. *Manus.*

Lectio vi

In Petri cáthedra constitútus, nihil de prístina vitæ ratióne remisit. Humilitáte præsertim, simplicitáte ac paupertáte refúlsit, ita ut in suo testaménto scríbere potúerit: « Pauper natus sum, pauper vixi, pauper mori cúpio ». Humíltas vero ánimi fortitúdinem in eo alébat, cum de Dei glória, Ecclésiæ libertáte, animarúmque salúte agerétur. Vir acérrimi ingénii et propósi tenax, inter vicésimi ineúntis sæculi procéllas, Ecclésiám firmiter rexit, et præclaríssimis ornávit institútis. Músicam sacram ad prístinum splendórem ac dignitátem revocávit; sacrórum Bibliórum stúdiis princípem sedem Romæ constituit; Románam Cúriam sapiénter reformávit; leges de fidélibus per catechísmum instituéndis restítuit; Eucharisticæ mensæ crebriórem, imo et cotidiánam consuetúdinem indúxit, ejúsque accéssum púeris quoque a primo ratiónis usu apéruit; actiόνis cathólicæ increménta sédulo promovit; sólidæ cleri institutióni provídít, ádditis quoque semináriis per regiónes

dispóstitis; sacerdótes omnes ad interiorem vitam colendam alléxit; leges Ecclésiæ in unum corpus redégit; errores perniciosissimos, modernismi appellatióne comprehensos, damnávit atque evéllit; civile vétitum, quod dicunt, in Pontíficis Máximi electiône reiécit. Tandem labóribus fractus ac mærore conféctus ob bellum Europæum tunc exórtum, die vicésima mensis Augústi anni millésimi nongentésimi décimi quarti, ad cæléste præmium evolávit. Eum ubíque terrárum sanctitátis fama clarum miraculísque fulgéntem, Pius Papa duodécimus, cuncto plaudénte orbe, in Sanctórum númerum rétulit.

R. Iste est, qui ante Deum magnas virtútes operátus est, et omnis terra doctrina ejus repléta est: * Ipse intercedat pro peccátis ómnium populórum. *V.* Iste est, qui contempsit vitam mundi, et pervenit ad cæléstia regna. *Ipse. Glória Patri. Ipse.*

In III Nocturno

Lectio vii

Léctio sancti Evangéllii secúndum Joánnem
Joann. 21, 15-17

In illo témpore: Dixit Jesus Simóni Petro: Simon Joánnis, díligis me plus his? Et reliqua.

Homilía sancti Augustíni Epíscopi
Tractatus 123 in Joannem, in medio

Rédditur negatióne trinæ trina conféssio, ne minus amóri lingua sérviat, quam timóri: et plus vocis eliciússe videátur mors ímminens, quam vita præsens. Sit amóris officium páscere Domínicum gregem, si fuit timóris indícium negáre pastórem. Qui hoc ánimo pascunt oves Christi, ut suas velint esse, non Christi, se convincúntur amáre, non Christum: vel gloriánde vel dominánde, vel acquirénde

cupiditate; non obediénde, et subveniénde, et Deo placénde caritate.

R. Amávit eum Dóminus, et ornávit eum: stolam glóriæ índuit eum, * Et ad portas paradísi coronávit eum. *V.* Índuit eum Dóminus lorícam fidei, et ornávit eum. *Et.*

Lectio viii

Contra hos ergo vígilat tótidem inculcáta ista vox Christi, quos Apóstolos gemit sua quærere, non quæ Jesu Christi. Nam quid est áliud, si díligis me, pasce oves meas; quam si dicerétur, si me díligis, non te páscere cógita? Sed oves meas, et sicut meas pasce, non sicut tuas; glóriam meam in eis quære, non tuam; domínium meum, non tuum; lucra mea, non tua; ne sis in eórum societáte qui pértinent ad témpora periculósa, seípso amántes, et cétera quæ huic malórum inítio connectúntur.

R. Sint lumbi vestri præcíncti, et lucérnæ ardéntes in minibus vestris: * Et vos similes homínibus exspectántibus dómimum suum, quando revertátur a núptiis. *V.* Vígiláte ergo, quia nescítis qua hora Dóminus vester ventúrus sit. *Et. Glória Patri. Et.*

Lectio ix

Mérito díctur Petro: díligis me, et respóndet, amo te, eíque refértur, pasce agnos meos, et hoc íterum, hoc tértio. Ubi étiam demonstrátur unum atque idem esse amórem et dilectiõem; nam étiam Dóminus novíssime non ait, díligis me, sed amas me. Non ergo nos, sed ipsum amémus, et in pascénde óvibus ejus ea quæ sunt ejus, non ea quæ sunt nostra, quæramus. Nescio enim quo inexplicábili modo, quisquis seípsum, non Deum amat, non se amat: et quisquis Deum, non seípsum, amat, ipse se amat. Qui enim non potest vívere de se, móritur útique amándo se: non ergo se amat, qui ne vivat se amat.